

中國方志叢書·華中地方·第四三九號

據

明·朱之蕃撰
明天啓三年刊本

影印

江蘇省

金陵圖詠

(全)

成文出版社有限公司印行

sk29/67



10098056

中華民國七十二年三月臺一版

金陵圖詠

全一冊

發行人：黃

成

助

出版者：

成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：

上林彩色印刷有限公司

台北市大理街145號

新聞局出版登記證：局版台業字第243號

金陵圖詠序



秀內郡邑有志必標景物以
彰形勝存名蹟金陵自秦漢
六朝夙稱佳麗至

聖祖開基定鼎始符千古王氣
而龍蟠虎踞之區遂朝萬邦

制六合鎬洛殺函不足言雄正
門湘漢未能爭鉅矣相沿以
八景十六景以著稱題咏者至
有去取觀臨見者每嘆遺珠
醫生長于斯既有厚幸而養
病伏處每阻游踪乃蒐討紀

載共得四十景屬陸生壽栢策
蹇浮舸躬歷其境圖寫逼真
撮舉其槩各為小引系以俚
句梓而傳焉雖才短調庸無當
于山川之勝而按圖索徑聊足
寄卧遊之思因手書以付梓

人題數語以弁首簡貽我同
好用俟賞貝音云尔

天啓癸亥嘉平日朱之蕃書



金陵圖詠目錄

鍾阜晴雲	石城霽雪	天印樵歌	秦淮漁唱
白鷺春潮	烏衣晚照	鳳臺秋月	龍江夜雨
宏濟江流	平隄湖水	雞籠雲樹	牛首烟巒
桃渡臨流	古村閒酒	謝墩清興	獅嶺雄觀
棲霞勝槩	雨花湖眺	憑虛聽雨	天壇勒騎
長干春遊	燕磯曉日	幕府仙臺	達摩靈洞
靈谷深松	清涼環翠	宿岩靈石	東山墓壘
嘉善石壁	祈澤龍池	青溪遊舫	虎洞幽尋

星岡飲興
祖堂佛跡

莫愁曠覽
花巖星槎

報恩塔燈
石麓幽棲

天界經魚
長橋艷賞



鐘耳晴雲

鐘

鍾阜晴雲

在府治東北漢末有秣陵尉蔣子文逐盜遇難
吳大帝為立廟封曰將侯因避祖諱改鍾山之
名曰蔣山南北並連山嶺其形如龍故孔明稱
為鍾山龍蟠自梁以前寺至七十餘所今為
孝陵禁地不可復考惟日夕變態見王氣所鍾云
蟠龍夭矯溯江流毓瑞凝祥燦未收地擁雄圖沿六
代天留王氣鎮千秋迎將東旭朝光麗映帶明霞暮
靄浮定鼎卜年綿曆祚龍慈秀色繞皇州



石城霽雪

在府治西二里孫權于江岸必爭之地築城因
石頭山輦鑿之陡絕壁立孔明稱石城虎踞是
其處也當時大江環繞其趾今河流之外平行
若砥民居繁密十數里始達江許陵谷之變遷
此其徵驗已

城烏啼徹曉光新延竚千林皓彩勻虎踞蒼崖增白
額龍蟠金闕換銀鱗江天頓改尋常色廬井都無一
點塵八表晶瑩疑合璧翩翾鶴馭集羣真



天印樵歌

在都城南四十里高百十六丈周回三十七里
四面方如城故又名方山秦始皇鑿金陵此方
是其斷者東南有水下注長塘流漑平陸入山
至定林寺亦極幽閒其巔最高曠不生雜樹惟
蔓艸遍布如茵上有石龍池下有葛仙公井
巨靈斧削青芙蓉覆斗後稷印作峰曲徑逶迤凌陡
壁山樵攀捫歷高壙丁丁木韻傳幽谷隱隱歌聲雜
鐘四望砥平空翠合探奇何處覓行蹤



秦淮漁唱

在上元縣治東南三里秦始皇東巡會稽經秣
陵因鑿鍾山斷長壠以疏淮本名龍藏浦上有
二源自南鑿渠水來合方山埭西注大江因秦
所鑿故名秦淮今與青溪合流自西水關出
江

疏鑿雖勞利永存清溪曲折貫重垣風和岸柳堪邀
笛月滿蓮舟好酒樽自可乘流歌濯足何須曬網住
江村綸竿寄興誰忘得爲謝游鱗莫避喧

原稿缺